

Kōjparok Kallimur eo An

Jān Lucy Stevenson Ewell

Māākjiin ko an Kabuñ in
(Pedped ioon juon bwebwenato emool)

“Ijino wōt raan mae iien peptaij eo aō!” Happiness ekar ba. Raan eo enañin itok!

“Kopojak ke?” Baba ekar kajjitōk.

“Ij lōmḡak,” Happiness ekar ba.

“Ñe kwoj peptaij, kwoj kōmḡ-
mane juon bujen,” Baba ekar
ba. “Kwoj ke keememej ta
mejeje in?”

“Ej juon kallimur, ejimwe
ke?”

Baba eaar emajidjid.
“Aaet! Kwoj kallimur ñan
loor Jisōs Kraist im kōj-
parok kien ko. Jemedwōj
Ilañ ej kallimur ñan kōje-
ramḡan im jipañ eok.”

Happiness ekar
ettōndikdik. Eaar jeļā
ekar juon kallimur
aorōk. Ekar mōḡḡḡ in
kōmḡani!

Ilo raan eo āliktata
ñan iien peptaij eo an.
Happiness ekar jānij
ñan nuknuk ko remouj.



Ruo bar ajri rekar bar peptaij. Raar aolep lale an
booļ jikin peptaij eo.

Ke ej iien eo an, Happiness im jemān rekar deļo-
ñe jikin peptaij eo. Jemān ekar ba jar in peptaij eo.
Innām Happiness ekar pinej bōtin, im jemān ekar
lelaļļok e iumwin dān eo.

Ke ej waļoktok, Happiness ekar eñjake mōḡḡḡ
itulowa! Ekar kōḡaan kōjparok kallimur eo an ñan
loor Jisōs. Ekar kōḡaan eñjake erreoo in im mōḡḡ-
ḡḡ in indeeo. Ekar jab kōḡaan kōmḡan kālet ko
rebōd.

Jejjō raan tokālik, Happiness eaar jerkak im kejo
dān bwiļ eo bwe en maroñ tutu. Ebōk iien aitok
ñan an dān eomānāñ. Kōn menin Happiness
ekar kōjo TV eo. Ekar kōḡaan alooj pijaan cartoon
ilo an kōttar.

Happiness ekar ettōñ ke ej alooje an menin
mour ko kennaan ilo tv eo. Pija in ekar kamōḡḡḡ!
Innām ekar meļokļok dān bwiļ eo.

Juon awa tok ālik, jemān ej deļoñtok ilo ruum
eo. “Ewi toon an dān bwiļ eo jo?” Eaar ba,
Happiness ekar reilōñļok. Ekar alooj TV
aitokļok jān an aikuj in kar!

“Ejjab to.” Happiness ekar ba, “Jejjō
wōt minit.” Ekar kune TV eo im etal
im tutu.

Ak ilo aolepen raan eo, Hap-
piness ekar būromōj ilowa.
Ālkin peptaij eo an ekar kōḡaan
bwe en jab bar kōmḡani kāālet
ko rebōd. Bōtaab ej kab mōj an
riabe Jemān!

Happiness ekar bōk kūtuwōn.
Ekar jeļā ta eo ej aikuj kōmḡane
“Ekwe, Baba e,” Happiness
ekar ba. “Ikar riab. Ekar to an
dān bwiļ eo jo, ak ikar meļokļok
e. Joļok aō bōd.”

*Iaar riabe
Baba. Kiiō ta?*



“Emḡan wōt. Komḡool kōn am ba tok.” Jemān
ekar ba

“Ikar būromōj kōnke ikar rubwe kallimur in
peptaij eo aō.” Happiness ekar ba.

Jemān ekar jijōt ippān Happiness ilo kauuj eo.
“Ke kwaar peptaij, kwaar jab kallimur ñan wāp-
pen. Kwaar kallimur ñan kajjieoñ ñan loor Jisōs.”

Happiness ekar emajidjid. Bwe menin ekar
kōmḡan bwe en emḡanļok jidik an pād.

“Im kwojeļā ta eo kwomaroñ kōmḡane ñe
kwoj kōmḡan juon kālet ebōd?” Jemān ekar
kajjitōk.

Happiness ekar ba, “ukweļok?”

“Ejimwe! Ñe jej ukweļok, Jemedwōj Ilañ ej jeo-
ļok ad bōd. Innām jemaroñ bar erreoo āinwōt
raan eo jaar peptaij. Ukweļok ej mōttan kallimur
in peptaij eo kwoj kōjparoke.”

Happiness ekar ettōndikdik. “Ij tin jar im kajji-
tōk ippān Jemedwōj Ilañ ñan
jeoļok aō bōd.” Ekar
mōḡḡḡ bwe emaroñ
kar kōjparok kallimur in
peptaij eo an. ●

*Bwebwenato in ekar bōk jikin ilo
Ghana.*

